



Broj: A-III-32/24-IV
Sarajevo, 30.04.2024. godine

Na osnovu člana 30. Zakona o Kantonalnom tužilaštvu Kantona Sarajevo (Službene novine Kantona Sarajevo, broj: 20/02, 22/02 i 30/08), člana 64. stav 1) tačka b), člana 25., 70. i 98. Zakona o javnim nabavkama („Službeni glasnik BiH”, broj 39/14 i 59/22) – u daljem tekstu: ZJN, člana 6. i 39. Pravilnika o postupanju u javnim nabavkama Kantonalnog tužilaštva Kantona Sarajevo, broj: A-718/2019 od 26.07.2019. godine, te preporuke Komisije za provođenje postupka javne nabavke roba: „**Nabavka kancelarijskog materijala za potrebe Kantonalnog tužilaštva Kantona Sarajevo**“, date u Zapisniku broj: A-III-32/24–III od 29.04.2024. godine, Glavna kantonalna tužiteljica donosi:

O D L U K U

o izboru najpovoljnijeg ponuđača i dodjeli ugovora za nabavku kancelarijskog materijala za potrebe Kantonalnog tužilaštva Kantona Sarajevo

I

Prihvata se preporuka Komisije za javne nabavke i Ugovor o javnoj nabavci kancelarijskog materijala za potrebe Kantonalnog tužilaštva Kantona Sarajevo dodjeljuje se najpovoljnijem ponuđaču „**OFFICE SUPPORT“ d.o.o. Sarajevo, Tvornička 3, 71210 Ilidža - Sarajevo**, a prema ponudi broj: 257/24 od 08.04.2024. godine, s ukupnom cijenom 50.900,00 KM bez PDV-a, odnosno 59.553,00 KM sa PDV-om, kao najpovoljnijoj ponudi.

II

Ugovor o javnoj nabavci dostavit će se na potpis izabranom ponuđaču „**OFFICE SUPPORT“ d.o.o. Sarajevo**, po proteku roka od 15 dana, računajući od dana kada su svi ponuđači obavješteni o izboru najpovoljnije ponude.

III


Ova Odluka će se objaviti na internet stranici Kantonalnog tužilaštva Kantona Sarajevo, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) ZJN.

IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav (2) ZJN.

O b r a z l o Ź e n j e

Na osnovu Odluke o pokretanju postupka javne nabavke broj: A-III-32/24 od 19.03.2024. godine je pokrenut postupak javne nabavke roba: „**Nabavka kancelarijskog materijala za potrebe Kantonalnog tužilaštva Kantona Sarajevo**“, procijenjene vrijednosti 75.000,00 KM bez PDV-a, putem Otvorenog postupka javne nabavke roba.



Bosna i Hercegovina
Federacija Bosne i Hercegovine
Kantonalno tužilaštvo
Kantona Sarajevo

Obavještenje o nabavci broj: 274-1-1-61-3-9/24 od 20.03.2024. godine objavljeno je na Portalu javnih nabavki, zajedno sa cjelokupnim tekstom Tenderske dokumentacije, a sažetak obavještenja o nabavci objavljen je u Službenom glasniku BiH.

Kriterij za dodjelu Ugovora, shodno odredbama člana 64. Zakona o javnim nabavkama, je „najniža cijena tehnički zadovoljavajuće ponude“.

Komisija za provođenje tenderskih procedura Kantonalnog tužilaštva Kantona Sarajevo, formirana Rješenjem broj: A-135/24 (u daljem tekstu Komisija) je dana 15.04.2024. godine u 11,15 sati, u prostorijama Ugovornog organa izvršila javno otvaranje ponuda i sačinila Zapisnik o otvaranju ponuda, u kojem je konstatovala da su u predmetnom postupku blagovremeno zaprimljene 3 (tri) ponude. Zapisnik je dostavljen svim ponuđačima koji su učestvovali u postupku u zakonskom roku.

Nakon otvaranja ponuda, Komisija je izvršila pregled i ocjenu prispijelih ponuda, te sačinila Zapisnik o pregledu i ocjeni ponuda broj: A-III-32/24-III od 29.04.2024. godine, koji je sastavni dio ove Odluke, i u kome je konstatovala sljedeće:

U ostavljenom roku blagovremeno su pristigle tri (3) ponude i to ponuđača: **“OFFICE SUPPORT” d.o.o. Sarajevo, “DEFTER” d.o.o. Sarajevo i “ELKOM” d.o.o. Vitez.**

Komisija je konstatovala da su ponude ponuđača **„OFFICE SUPPORT“ d.o.o. Sarajevo, “ELKOM” d.o.o. Vitez i „DEFTER“ d.o.o. Sarajevo prihvatljive** prema obliku, sadržaju, potpunosti, sposobnosti obavljanja registrovane djelatnosti i tehničke i profesionalne sposobnosti, te da ponudena vrijednost ponude odgovara planiranim, odnosno osiguranim sredstvima.

Komisija je prilikom analize pravilnosti ponuda, ustanovila da postoje određene nejasnoće, vezano za ponude ponuđača „DEFTER“ d.o.o. Sarajevo i „OFFICE SUPPORT“ d.o.o. Sarajevo, te je odlučila da uputi zahtjeve za pojašnjenje ponude ovim ponuđačima, kako bi otklonila nejasnoće, a sve u skladu sa članom 68. stav (3) Zakona o javnim nabavkama Bosne i Hercegovine („Službeni glasnik BiH“ broj: 39/14 i 59/22).

Dana 24.04.2024. godine, Komisija je uputila putem e-maila zahtjeve za pojašnjenje ponude ponuđačima „DEFTER“ d.o.o. Sarajevo i „OFFICE SUPPORT“ d.o.o. Sarajevo, da u roku od 3 (tri) dana dostave pojašnjenje svojih ponuda.

Zahtjev za pojašnjenje ponude upućen ponuđaču „DEFTER“ d.o.o. Sarajevo se odnosi na dostavljenu Izjavu ponuđača u sastavu Obrascu za dostavljanje ponude – Aneks 2. tenderske dokumentacije u tački 3., gdje je ponuđač naveo da ponuda važi 90 (devedeset) dana i da važi do 11.07.2024. godine. Kako je u Obrascu za dostavljanje ponude – Aneks 2. tenderske dokumentacije u tački 3. navedeno da se broj dana ili mjeseci upisuju i brojačano i slovima, a u slučaju da se razlikuju, validan je rok važenja ponude upisan slovima, te budući da upisani datum nije odgovarao periodu od 90 dana, nego je iznosio 87 dana, Ugovorni organ je tražio pojašnjenje da se ponuđač „DEFTER“ d.o.o. Sarajevo izjasni koji je krajnji datum važenja njegove ponude, budući da je izjavio da njegova ponuda važi 90 (devedeset) dana. Takođe, u Obrascu za cijenu ponude – robe – Aneks 3. za stavku 65. Olovka hemijska sa ispisom u plavoj i crvenoj boji, kuglica promjera od 0,7 mm, PVC stablo prozirno da se vidi potrošnja umetka, sa gumenim gripom (držačem za prste), bez poklopca, u koloni (5) „Naziv proizvođača/marka ili tip proizvoda“ nečitko je naveden naziv proizvođača/marka ili tip proizvoda, te Komisija nije mogla utvrditi da li je naveden naziv proizvođača, marka ili tip proizvoda, s obzirom da je ponuđač „DEFTER“ d.o.o. Sarajevo dostavio u skladu sa tačkom 8.4.2. tenderske dokumentacije uzorak za ovaj artikal marke TIPTOP OFFICE. Ugovorni organ je tražio pojašnjenje za navedenu stavku po pitanju teksta navedenog u koloni (5) u Obrascu za cijenu ponude – robe – Aneks 3.

BOSNA I HERCEGOVINA | FEDERACIJA BOSNE I HERCEGOVINE | KANTONALNO TUŽILAŠTVO KANTONA SARAJEVO

Adresa: Radiceva 6, 71000 Sarajevo, Centrala: 033/276-813, Pisarna: 033/276-811, Ured glavne tužiteljice: 033/276-826, Faks: 033/276-871

Elektronska pošta: kant_tuz@bih.net.ba, Web stranica: kt-sarajevo.pravosudje.ba



Bosna i Hercegovina
Federacija Bosne i Hercegovine
Kantonalno tužilaštvo
Kantona Sarajevo

Ponudač „DEFTER“ d.o.o. Sarajevo je u zakonskom roku dostavio svoje pojašnjenje isti dan, odnosno 24.04.2024. godine u kojem navodi da njegova ponuda važi do 14.07.2024. godine. Što se tiče artikla 65. Obrasca za cijenu ponude – robe – Aneks 3., navodi da je u koloni (5) naveden proizvođač Wenzouh tenfon za marku ponuđene hemijske olovke TIPTOP OFFICE, te u prilogu dostavlja Izjavu ovlaštenog distributera hemijske olovke TIPTOP OFFICE Gatarić d.o.o. Derventa za Bosnu i Hercegovinu, koji potvrđuje da ponuđenu hemijsku olovku TIPTOP OFFICE proizvodi proizvođač Wenzouh tenfon.

Zahtjev za pojašnjenje ponude upućen ponuđaču „OFFICE SUPPORT“ d.o.o. Sarajevo se odnosi na dostavljeni tehnički list za stavku 28. Obrasca za cijenu ponude – robe – Aneks 3. Heftarica - metalna konstrukcija srebrne boje, ručna, koristi municiju 24/6 i 24/8 u dužini od minimalno 55 mm (cca 80 klamerica), spaja 25 listova; koristi dvije vrste spajanja: otvoreno i zatvoreno klinasto marke FURNAX proizvođača FOKUS d.o.o. Zagreb. Pregledom dostavljenog tehničkog lista za ponuđenu heftaricu, Komisija nije mogla utvrditi da li ponuđena heftarica posjeduje obje vrste spajanja (otvoreno i zatvoreno klinasto), te je pregledom i testiranjem dostavljenog uzorka utvrdila da isti posjeduje mehanizam koji se prilagodava i jednoj i drugoj vrsti spajanja (otvoreno i zatvoreno klinasto spajanje). Kako bi otklonila nejasnoće u dostavljenoj ponudi, Komisija je tražila od ponuđača „OFFICE SUPPORT“ d.o.o. Sarajevo da potvrdi da ponuđena heftarica posjeduje obje vrste spajanja (otvoreno i zatvoreno klinasto spajanje).

Ponuđač „OFFICE SUPPORT“ d.o.o. Sarajevo je u zakonskom roku dostavio svoje pojašnjenje isti dan, odnosno 24.04.2024. godine u kojem potvrđuje da ponuđena heftarica marke FURNAX proizvođača FOKUS d.o.o. Zagreb posjeduje obje vrste spajanja (otvoreno i zatvoreno klinasto spajanje), kako je i traženo tenderskom dokumentacijom, što se može utvrditi pregledom i testiranjem dostavljenog uzorka, ali i vidjeti na grafičkom prikazu heftarice u dostavljenom tehničkom listu proizvođača koji je dostavljen uz predmetni uzorak.

Komisija je prihvatila pojašnjenja ponuđača „DEFTER“ d.o.o. Sarajevo i „OFFICE SUPPORT“ d.o.o. Sarajevo i konstatuje da su ponude ponuđača **„DEFTER“ d.o.o. Sarajevo** i **„OFFICE SUPPORT“ d.o.o. Sarajevo** pravilne i da je ponuđena roba u skladu sa tenderskom dokumentacijom, odnosno tehničkom specifikacijom, da su primljene u roku za dostavu ponuda, da ne postoje dokazi o tajnom sporazumu ili korupciji, te da su ponude rezultat tržišne konkurencije i cijene ponude nisu izuzetno niske (neprirodno niske).

Takođe, Komisija je konstatovala da je ponuda ponuđača: **„ELKOM“ d.o.o. Vitez** primljena u roku za dostavu ponuda, da ne postoje dokazi o tajnom sporazumu ili korupciji, da je ponuda rezultat tržišne konkurencije i cijena ponude nije izuzetno niska (neprirodno niska), ali je nepravilna tj. ponuđena roba nije u skladu sa tenderskom dokumentacijom, odnosno tehničkom specifikacijom iz sljedećih razloga:

Uvidom u ponudu ponuđača „ELKOM“ d.o.o. Vitez Komisija je utvrdila da je ponuđač za stavke 28. Heftarica - metalna konstrukcija srebrne boje, ručna, koristi municiju 24/6 i 24/8 u dužini od minimalno 55 mm (cca 80 klamerica), spaja 25 listova; koristi dvije vrste spajanja: otvoreno i zatvoreno klinasto i 65. Olovka hemijska sa ispisom u plavoj i crvenoj boji, kuglica promjera od 0,7 mm, PVC stablo prozirno da se vidi potrošnja umetka, sa gumenim gripom (držačem za prste), bez poklopcu Obrasca za cijenu ponude – robe – Aneks 3. tenderske dokumentacije ponudio različite proizvode u Obrascu za cijenu ponude – robe – Aneks 3. u odnosu na dostavljeni tehnički list, odnosno uzorke.



Bosna i Hercegovina
Federacija Bosne i Hercegovine
Kantonalno tužilaštvo
Kantona Sarajevo

- Detaljnim pregledom ponude i dostavljenog tehničkog lista i uzorka za stavku 28. Heftarica - metalna konstrukcija srebrne boje, ručna, koristi municiju 24/6 i 24/8 u dužini od minimalno 55 mm (cca 80 klamerica), spaja 25 listova; koristi dvije vrste spajanja: otvoreno i zatvoreno klinasto, utvrđeno je da je ponuđač „ELKOM“ d.o.o. Vitez u Obrascu za cijenu ponude – robe – Aneks 3. u koloni (5) „Naziv proizvođača/marka ili tip proizvoda“ naveo da nudi heftaricu proizvođača Fokus d.o.o. Zagreb, a dostavio tehnički list na stranici 24. svoje ponude za heftaricu marke Leone 638 proizvođača ARKE SRL, koji odgovara dostavljenom uzorku. Iz svega navedenog, očigledno je da je u Obrascu za cijenu ponude – robe – Aneks 3. ponuđen jedan proizvod, a prema dostavljenom tehničkom listu i dostavljenom uzorku ponuđen drugi.
- Detaljnim pregledom ponude i dostavljenog uzorka za stavku 65. Olovka hemijska sa ispisom u plavoj i crvenoj boji, kuglica promjera od 0,7 mm, PVC stablo prozirno da se vidi potrošnja umetka, sa gumenim gripom (držačem za prste), bez poklopca, utvrđeno je da je ponuđač „ELKOM“ d.o.o. Vitez u Obrascu za cijenu ponude – robe – Aneks 3. koloni (5) „Naziv proizvođača/marka ili tip proizvoda“ naveo da nudi hemijsku olovku proizvođača NINGBO RAINHA STATIONERY CO. CTD, marke OFFICE MARKET, a dostavio uzorak za hemijsku olovku TIPTOP OFFICE. Iz svega navedenog, očigledno je da je u Obrascu za cijenu ponude – robe – Aneks 3. ponuđen jedan proizvod, a prema dostavljenom uzorku drugi.

Shodno navedenom, Komisija je odbacila ponudu ponuđača “ELKOM” d.o.o. Vitez kao tehnički nepravilnu i istu dalje nije razmatrala.


Polazeći od gore navedenih konstatacija i činjenice da su dvje (2) blagovremeno pristigle ponude prihvatljive za ugovorni organ, Komisija je pristupila vrednovanju prihvatljivih i pravilnih ponuda, shodno utvrđenom kriteriju „najniža cijena“ tehnički zadovoljavajuće ponude, te je tabelarni pregled na osnovu navedenog kriterija – rang lista prihvatljivih i pravilnih ponuda za nabavku roba: „**Nabavka kancelarijskog materijala za potrebe Kantonalnog tužilaštva Kantona Sarajevo**“, **prije održavanja e-aukcije sljedeća:**

R.B.	Naziv ponuđača	Vrijednost ponude bez PDV-a
1.	“DEFTER” d.o.o. Sarajevo, broj ponude: 09-04-2/24 od 09.04.2024. godine	74.952,77 KM
2.	“OFFICE SUPPORT” d.o.o. Sarajevo, broj ponude: 257/24 od 08.04.2024. godine	74.974,78 KM

Komisija je nastavila sa radom dana 29.04.2024. godine, za kada je E-aukcija zakazana sa početkom u 11:00 sati i trajala je do 12:50 sati.

Shodno izvještaju o toku i završetku E-aukcije, kreiranog od strane AJN, rang lista prihvatljivih i pravilnih ponuda nakon e-aukcije je:

R.B.	Naziv ponuđača	Vrijednost ponude bez PDV-a
1.	“OFFICE SUPPORT” d.o.o. Sarajevo, broj ponude: 257/24 od 08.04.2024. godine	50.900,00 KM
2.	“DEFTER” d.o.o. Sarajevo, broj ponude: 09-04-2/24 od 09.04.2024. godine	51.000,00 KM



Bosna i Hercegovina
Federacija Bosne i Hercegovine
Kantonalno tužilaštvo
Kantona Sarajevo

Kao prvorangirana najpovoljnija ponuda prema kriteriju najniža cijena, je ponuda izabranog ponuđača „OFFICE SUPPORT“ d.o.o. Sarajevo, Tvornička 3, 71210 Ilidža - Sarajevo, s ponuđenom cijenom 50.900,00 KM bez PDV-a, odnosno 59.553,00 KM sa PDV-om.

Cijeneći naprijed navedeno, primjenom člana 64. stav 1. tačka b) najniža cijena ZJN, odlučeno je kao u dispozitivu.

POUKA O PRAVNOM LIJEKU:

Protiv ove Odluke dopuštena je žalba u pisanoj formi, koja se podnosi Ugovornom organu u roku od 10 (deset) dana od dana prijema Odluke, a u skladu sa članom. 99. i 101. stav 1) tačka d) ZJN.



Dostavljeno:

- Ponuđači 3x,
- Komisija,
- U spis.